



18. januar2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit Saammaasseqatigiinnissamut Isumalioqatigiisitat pillugit

1. Isumalioqatigiisitat oqaatsit suut atorlugit sulinissaat Naalakkersuisut takorloorpaat?

2. Isumalioqatigiisitat suliaasai sordiaappat, ilanngullugu ataatsimiittarnerit akuttussusissaat aamma angalasarnissat?

3. Sooq Naalakkersuisut isumaqarpat partiit kisimik Inatsisartuni ilaasortanik Isumalioqatigiisitamut ilaasortanngortitsisinnaassasut?

4. Naalakkersuisut partiinut allagaanni erserpoq isumalioqatigiisitamut ilaasortassatut partiit inassutigisaat Naalakkersuisunut saqqummiunneqartussaasut Naalakkersuisunillu akuerineqarlutik. Suna tungavigalugu Naalakkersuisut isumaqarpat akuersinissamut pisinnaatitaassallutik imaluunniit Isumalioqatigiisitamut partiit ilaasortassatut inassutigisaannik itigartitsisinnaassallutik, partiit nammineerluinnarlutik pisinnaatitaaffeqarmata Inatsisartuni sorleq ilaasortassatut inassutigissallugu kissaatiginerlugu?

5. Kalaallit Nunaanni Saammaasseqatigiinnermut Isumalioqatigiisitanik pilersitsinissaq pillugu nassuiaammi, 2016-mi ukiakkut ataatsimiinnermi agguanneqartumi inassutigineqarpoq, Saammaasseqatigiinnissamut Isumalioqatigiisitamut siulittaasusaaq toqqarneqassasooq Naalakkersuisuni partiit annersaannit kiisalu siulittaasup tullia toqqarneqassasooq illuatungiliuttuni partiit annersaanni. Tassani ilisimatitsissutitut allakkami, partiinut nassiunneqarnikuusumi, erserpoq Naalakkersuisut aalajangersimasut siulittaasussamik siulittaasullu tullianik toqqaassasut partiit annersaat marluk. Suna tungavigalugu Naalakkersuisut aalajangerpaat allannguutissaq taanna?

6. Saammaasseqatigiinnissamut Isumalioqatigiisitanut tunngatillugu maannamut takusimasatsinni erserpoq aalajangeeqataasinnaanatik peqataasussat isumalioqatigiisitat siulittaasoqarfianit toqqarneqartassasut. Isumalioqatigiisitat siulittaasoqarfiata naalakkersuisunit qinerneqartarnerat eqqarsaatigalugu taava illuatungiliuttut sunniuteqarsinnaanngillat isumalioqatigiisitamut nammineq ilaasortaataqarnerup saniatigut. Naalakkersuisut isumaqarnerlutik tamanna demokratimi pitsaasumik ileqqoqarnissamut tulluortoq?

(Inatsisartunut ilaasortaq Michael Rosing, Demokraatit)



Tungavilersuut:

Naalakkersuisut partiinut allagaqarput, tassani qinnutiginerqalruni saammaasseqatigiinnissamut isumalioqatigiisitam i laasortassanik inassuteqartoqassasoq. Tassungali atatillugu nalornissuteqarpugut akilaallaqqusatsinnik.

Apeqqutini pingasuni siullerni pineqarpoq kikut partiit isumalioqatigiisitam i laasortanngortissinnaaneraat. Demokraatit eqqarsaatigalugit aporfigaarput Inatsisartuni i laasortaaitatta i laa kitaamiutut oqaaseqannginnerat. Siullermik ataatsimiinnerni oqalutseqartoqartarumaartoq neqeroorutigineqarsinnaappat tulluarnaviannigilaq soorlu uanga nammineq i laasortassatut inassutigineqassaguma. Aappaatullu i laasortassat Inatsisartuni i laasortaanissaat piumasarineqarmat, partiit killilersorneqarput piukkunnarnerpaamik i laasortassamik inassuteqarnissaminnut. Tamanna demokrati eqqarsaatigalugu ajornartorsiutaavoq.

Tassunga attuumassuteqartoq apeqqut alla tassaavoq isumalioqatigiisitap suliassaata annertussusaa. Isumalioqatigiisitamut inummik inassuteqarneq aamma partiimi sulinitinni pingaarnersiuneruvoq. Taamaattumik pngaaruteqarpoq taggissinnaassallugu uangut sinnerluta sulisitassarput qanoq annertutigisumik sulissanersoq.

Apeqqutit sinnerini pineqarput demokratimi periutsit. Eqqartorutsigu pingaaruteqarluinnartoq saammaasseqatigiinnissamut isumalioqatigiisitaq, taava qularnaartariaqarput ileqqorsiat ataqqineqarnissaat soorlu demokratip anersaavata malinneqarnissaa. Uani pisumi tamanna malinneqarsimanersoq apeqqusertariaqarpoq. Taamaattumik pingaartorujussuuvoq tusassallugu periuseq atorneqartoq tassaannginnersoq demokratimi ileqqorsianut allaanerusumik paasinnittariaaseqarneq uanga najoqqutarissannut naleqqiullugu.

Qinnuigineqarnikuugatta Saammaasseqatigiinnissamut Isumalioqatigiisitam i laasortassamik inassuteqaqqulluta kingusinnerpaamik ulloq 31. januar 2017 ukioq manna isumaqarpunga naapertuilluarnerusoq kissaatigissagukku apeqqutima akineqarnissaat kingusinnerpaamik ulloq 30. januar 2017.